

白奪山人詩集

白奔山人詩目錄 卷一

古逸

卿雲歌

黃鵠歌

易水歌

垓下歌

大風歌

八公操

秋風辭

落葉哀蟬曲

白奔山人詩 古逸

古浦閻爾梅古古氏著

皇娥歌

王子年拾遺記曰少昊以金德王母曰皇娥處璇宮
而夜織或乘木桴而晝游經歷窮桑滄茫之浦時有
神童容貌絕俗稱白帝子卽太白之精降乎水際與
皇娥讌戲撫桐峰梓瑟皇娥倚瑟而歌白帝子答之
云云按本辭皇娥六句白帝子七句純是西漢柏梁

體豈當時已有七言詩耶余未之敢信也迺其歌有樂而不淫之意擬諸本集之首彷彿三百篇之關雎云

絳霄初曙海光曠夜色精華銀漢空星辰燦燦繞璇宮織罷
乘桴滄渚東妍姿絕世金天童玉搖雜佩音玲瓏囊山寶瑟
斲桐峰山川響應協笙鏞仙衢花鳥氣融融雙鸞並駕歌春
風

白帝子答歌

崆山靈鷲駕空烟遙集窮桑啄玉田有美一人桴桂船清明

在躬澤媯然芙蓉灼灼九光緹桐峰取梓被朱絃並坐鼓之
響瑤川神魚出聽紫蛟旋仙音婉粹吐芳鮮唱予和女歸金
天

擊壤歌 有引

帝王世紀曰帝堯之世天下太和百姓無事有八九
十歲老人擊壤而歌云云按本辭六句古音簡質非
後人所能擬因括其意而咏之

中天之盛虞書載之史臣或諛野老無私如頌父母何有飾

辭歲晚務閒聚族以嬉擊壤而歌有如小兒

二

壤之爲技與劔術通腹豐末銳跳地凌空無翼而飛遠射其
塘雖童少戲實有拙工其詞云何作息喁喁其人云何皆八
九旬之老翁嗚呼盛哉是之謂時雍

風土紀云壤以木爲之長三四寸前廣後狹形如屐臚節
童少將戲先側一壤於地遙於三四十步以手中壤擊之
中者爲勝余按此戲近世有之但手中壤與地上壤不同

手中壤形如劍有刃有柄地上壤如棗核中腰着地兩末
尖竅將戲先畫一小城於數十步外而以手中劍刃剝地
上之尖跳空數尺又以手中劍橫揮之使入所畫之城或
過或不及則有罰名曰打臘兒

康衢謠

有引

列子曰堯治天下五十年不知天下治與不治乃微
服遊於康衢聞童謠云云堯喜問誰教女曰聞之大
夫大夫曰古詩也

自注 公尚真 卷一 三
太平有象驗之羣黎矢口而吟童子何知厥聲載路遂成口
碑惟帝念哉猶曰其容

二

粵稽放勲治臻厥極上下相忘各適其適康衢作頌小民之
質莫知所從高文典則大章樂作采風拊石

按古辭四句與雅頌皇矣思文詩頗同高簡渾成四言極
則也贊之

卿雲歌 有引

尚書大傳云舜將禪禹俊乂百工相和而歌卿雲帝
唱之八伯虞之帝乃載歌云云按玉海逸詩本辭三
章今總贊其盛分爲二章不敢言擬也

載觀盛世維舜鮮倫孝治格天嘉瑞駢驟竭厥菁華髦倦於
勤心傷胷子弗克荷薪授之神噐將虐我民爰咨羣后慎擇
賢君二十四官燦列星辰僉曰平成司空之勲帝喜曰俞付
託得人禹承曆數虞退作賓鳳儀獸舞火藻龍紋韶音格祖
考鐘鼗鼗昭示萬國慶此黎元

二

天不私子帝不私臣神高卑聽玄德升聞和氣蒸祥綴兆氣
氤如懸素縷巧繪穠雲山河草蟲下及魚蜚影墨其中不見
組紉非烟非霧百采輪囷聖王在御蔚此華燁八百稱觴懽
奏卿雲

黃鵠歌

有引

魯陶嬰者陶明之女也少寡養孤無疆昆弟紡績爲
產魯人或聞其義將求焉嬰聞之恐不免乃作歌以

明志此亦有關風教者之事故擬之

悲夫黃鵠之早寡兮七年獨宿思故雄而不見兮中心蹙蹙
恐爲他雄之所暗窺兮形影躊躇明知死者之不可復生兮
其如初志之不可辱願相從於地下兮聲旣吞而復哭苟賢
者之鑒我兮當不罪此抵觸嗚呼哀哉兮慎爾黃鵠

易水歌

風起河干兮萬里塵白雲隔斷兮燕與秦登車不顧兮指咸
陽成功歸來兮報先王

垓下歌

楚歌滿山兮暮風吹天之亡我兮此一時天亡我兮何足悲
顧虞姬兮將別離騅兮騅兮將別離

大風歌有引

此漢高帝歸沛上歌也後人原不必擬卽擬亦終不
似卽似矣亦不能出其範圍但樂府始於漢而漢始
始於帝則此歌猶之四始外之一始也故擬之

大風起兮雲四馳布衣出門兮天子歸斬白蛇兮逝烏騅羣

雄發難者盡芟夷歡呼父老兮桑梓輝擊筑酣吟兮忽然悲
何以安劉兮人不知

八公操

紫龍啣物怪如笈兮中藏道書光熠熠兮神仙騎之忽來集
兮重閣巖扃以然入兮衆視不見獨我揖兮授我靈藥香粒
粒兮造物忌刻當什襲兮一九千年天無極兮吁嗟乎何修
致此公之力兮

秋風辭

秋風起兮四郊寒雁驚塞北兮不能安睇白雲兮有所思佩
菊蘭兮採江籬簫鼓發兮月在波擗檣楫兮渡汾河駐中流
兮美人歌將夜半兮息羣音煜寶鼎兮撫朱琴露沾林薄兮
光深深洗筆更斟兮祝萬福忽東方之漸高兮漏何促望神
山兮心慙慙

落日衰蟬曲

露垂垂兮樹聲花一色兮煙凝坐空簾以無語絕幾步而忽
停驚沾袂兮落葉仰在天兮秋星呼有人兮寂然似乍

夢兮乍醒

樂府題辭

漢書禮樂志云武帝定郊祀之禮采詩夜誦以李延
年爲協律都尉多舉司馬相如等數十人造爲詩賦
略論律呂以合八音之調此樂府之所由昉也後世
遞相承襲羣臣奉詔撰辭皆以頌其本朝功德至於
登臨讌射別有鼓吹相和清商等曲亦得列之宮懸
然其辭皆詩也曷以云樂余觀虞帝命夔詩言志歌

永言聲依永律和聲則是詩爲樂始樂爲詩終興於
詩成於樂二者合而爲一固不可偏廢也顧其間有
雅俗之分焉詩主乎辭樂主乎聲辭或出於田野男
女游客戍士之口未必盡雅以聲代之而後雅者雅
俗者亦不覺其俗孔子刪笙詩而存其題正慮其不
雅而避之束皙補亡殆不知此義也卽如漢郊祀十
九章安世房中十六章短簫鐃歌十八曲多有不可

曉者若病婦孤兒廬江小吏等詩舛錯褻俚縉紳先生難言以誦之郊廟宴饗嘉賓之前可乎故必隱其辭而以聲代之俾聽者悅其管絃節奏而忘其爲舛錯褻俚斯稱善耳乃又有謂郊廟詩歌未有祖宗功德之事余謂古人作樂如今人演傳奇雜劇隨賓主之命登場侑酒不必拘定某事其人當作某曲故詩卽樂府而又有不卽是樂府者毫釐千里非好學深

思心知其意者詎可與之微言也哉

白奪山人識

白奪山人詩目錄 卷二

樂府

箜篌引

薤露歌

蒿里曲

善哉行

東門行

枯魚過河泣

百有八
出塞

大堤曲

瑯琊王歌

紫驪馬

採蓮曲

折楊柳

玉階怨

夜度娘

猛虎行

君子行

子夜吳歌

征婦怨

烏夜啼

四時宮怨

四首

巫山高

俠士行

漁父辭

采菱歌

臨高臺

鶉鴝行

江上行

白奪山人詩

樂府

古沛閭爾梅古古氏著

箜篌引

有序

一曰公無渡河崔豹古今註曰箜篌引朝鮮津卒霍里子高妻麗玉所作也子高晨起刺船有一白首狂夫披髮提壺亂流而渡其妻隨而止之不及遂墮河而死於是援箜篌而鼓之作公無渡河之曲聲甚悽愴曲終亦投河而死子高還以其聲語其妻麗玉麗

玉傷之乃作箜篌而寫其聲名曰箜篌引

公無渡河河不可測披髮中流使我太息

薤露歌

有序

亦曰泰山吟行喪歌崔豹古今註曰薤露蒿里並哀
歌也本出田橫門人橫自殺門人傷之爲作悲歌言
人命奄忽如薤上露易晞滅也亦謂人死魂魄歸於
蒿里故有二章至孝武時李延年乃分二章爲二曲
薤露送王公貴人蒿里送士大夫庶人使挽柩者歌

之亦呼爲輓歌

薤上露晨生
澤日光妬之
稿無液人身
生死歷百年
止如薤露一朝夕

蒿里曲

鬼風紫夜驅人命入蒿里
山川與人無愛憎生前不同同一死

善哉行 有序

此相和歌瑟調三十八曲之一也亦日日苦短並東

門行皆載王僧虔技錄題繁不能遍擬擬其二以存

其體云耳

秋暮霜來野無生草及天未雨補室宜蚤

一解

山高林叢猛虎當道旁有伏機虎不自保

二解

今日懽樂賓主無憂酒醒事生各自有求

三解

富貴寵人疾病忽至明日今日情景離異

四解

陟彼東海望三神山風嗽濤迷家在其間

五解

日出日人以曙以暝熱豈不寒死豈不生

六解

東門行

出東門路透迤
去去終歸來
終歸去何爲
兒女索衣食
不可得
哭且無已時
安能坐聽之
我生何事不如
人人富貴
我貧賤如斯
仰天四顧
歌聲悲

枯魚過河泣

枯魚初釣時
自悔貪香餌
哀汝放歸河
見餌復如此

出塞

夜風吹入幕
聽之盡蘆笳
星出天影黑
枕刀卧秋沙

大堤曲

大堤種垂楊或間桃與桑妾心生嘆息紅綠不可長

二

提籃採蕨食葉嫩不堪煮且坐關百草都是隣家女

瑯琊王歌

兩襜新繡成視人顏色好聞君有他心顏色忽如草

二

錦馬懸寶刀解下垂柳陰不遇可殺人不動殺人心

三

美女立橋欄公子舖穗卧鳴箏感行人遲遲不能過

紫騮馬

騎馬走險路雙眼看路旁恐有負心人捉刀慎提防

二

酒樓逢壯士聚飲如平生止此千里馬贈君我步行

採蓮曲

移槩花深處新葉壓殘葉妾粧不如蓮蓮心不如妾

二

倩郎整雙釵採蓮墜一枝釵墜何足惜恐使郎心疑

折楊柳

短笛變新聲下馬折楊柳縮笛贈所歡謂曾經儂手

二

明月照空牀獨坐淚如絲同伴莫相嘲當亦有淚時

二

休苦人去遠夢裏豈非人短夜何無情醒來餘一身

夜度娘

滯永燈光微有聲自屋梁今夕復何夕山鼠催嫁粧

猛虎行

智虎能分別噬人亦護人威嚴立山岡保此衆狸狎愚虎唯
自飽顛倒卧荆榛不顧山中物乃爲狒猯吞兼之媚獸多生
殺恣笑顰智虎豈不殺天刑有踈親

君子行

美玉先自愛遂爲衆所珍卽使終在璞不聞耻玉貧梁肉雖

豐好豈敢餽鳳麟嗟嗟桐江叟天子不得臣拾金汙生平樂
羊媿婦人

子夜吳歌

有序

亦曰子夜四時歌子夜晉女子名也與白紵同一曲
在吳爲白紵在晉爲子夜故梁武本白紵爲子夜四
時歌後之擬此歌者曰白紵則一曲曰子夜則四曲
皆屬清商

今年春不寒花開亦太早郎說明日來落紅且莫掃

二

新荷隔南池紅白照亭欄不敢臨風倚人熱妾心寒

三

夜樹壓庭簷看月不分明坐深待月移處處是秋聲

四

掃雪試新茶俱衾接玉盞夜來醉郎前今日妝束晚

征婦怨

玉關遠不遠但隔西山樹此間原非妾妾心在郎處

近日夜偏長惱人天不明結想在好音忽聞喜鵲聲

烏夜啼

有序

宋元嘉中徙彭城王義康於豫章郡時臨川王義慶
爲江州相見而哭文帝怒召義慶還宅義慶大懼妓
妾聞烏夜啼叩齋閣云明日當有赦至及旦改兗州
刺史因作此歌後人誤以爲征婦出塞等曲則謬矣
烏夜啼啼不止從來烏啼不如星黑牕未明心驚披衣起

郎歸倘在今夜裏

· 右與子夜歌莫愁樂襄陽樂前溪石城王昭君等曲皆清商三調三調者平調清調瑟調也亦曰清樂乃周房中樂之遺聲漢魏相繼至晉不絕永嘉之亂中朝舊曲散落而清商猶傳江左所謂梁宋新聲元魏孝文之所收纂是也隋文帝篤好清樂以爲華夏正聲故平陳之後置清商府若巴渝白紵皆在焉至唐武后時猶存六十三曲

四時宮怨 四首

蘇東坡詩集卷三十一
二
禁苑垂楊綠花飛一半殘東風吹蛺蝶猶自惜春寒

春

二

翠絡龍皮扇水盤羊髓瓜小瑞傳內讌風裏做琵琶

夏

三

玉堦鳴落葉葉上帶新霜微步青桐閣宮鞞獨自涼

秋

四

獸炭籠深闥冰廊不起塵挑燈孤枕畔長漏寂無人

冬

巫山高

妾家湘水岸日日美湘波來去逐春雲君王夢奈何

二

巫山一拳石何事惱相思夢自君王生雲行那得知

三

東風牽蕩子處處巫山神醒來看山色不是夢中人

俠士行

丈夫感意氣不在贈黃金顏色稍輕薄千金猶痛心

二

豪華非所難所難獨知已不爲五侯生耳爲布衣死

漁父辭

一水涵千峰水平峰影微漁家坐孤村遙望天四圍白日見
鷗鷺夜見熒火飛熒火飛來燒人衣問君白日何所歸峒山
居者笑行者我自騎船君騎馬騎馬長途倦殺人何如采得
西風蘋

采菱歌

惹苒香肥黃菊瘦羅衣不耐西風溜大家小家歌采蓮鷄頭

葉紫實如錢今年花比去年少蓮子空比去年小百畝荒荒
租稅急官吏催征夜不息刈草鋤瓜賣幾何蓮子不如蒲笋
多先賣活魚後賣菱茆房破碎草青青未到冬時霜已冽田
夫嗷嗷室如雪大河兩岸垂柳殘淇園之竹血成灘兒女衣
食仰空秋白雲蕭索雁聲愁我行其野嘆如此荒阡枯骨誰
家子

臨高臺

絳雲緲靄野光簇垂楊白榆間青綠耕夫挽牛鞭不快燕子

泥巢翅羽禿今年二月又逢閏云何風色慘蕭蕭故鄉親友
相見無一語但言徭役逼人徧地哭我適來掃松間墓蕭條
四望煙無數官租如火米價賤貧者無米催科現麥田未知
收何如子女賣盡糧仍欠臨高臺兮望秋水深宵野火飛燐
鬼

鵝鵝行

鵝鵝立江干江魚不敢下一時風雨冥雷電如奔馬有鷺謂
鵝云橫哉何謂者江外是青山江渚是青萍欲借青山砥青

萍青萍鋒吼青山驚欲借青萍斬鸚鵡
劍破山飛江水枯一樽携得樊川上
千峰萬峰皆對向鷺鷥睡午鴉青啼
漁父無魚見女鸞不如棄却此風波
把斧去鑿前山阿山阿之下見黃河
且宿光茫射鯨鱓內有仙人住丹宮
六月天氣披春風長江萬里月明空
一片花香酒盃中

江上行

漁火隔江青翠雜濕螢雨後飛不疾
滯在江之汀汀上宿船睡如蠅
羅塘之瀨響冷冷風細天高月正
橫此特安得有

人行有人行無人聲芭蕉葉上露光碧隔籬映之如江屏休
矣莫使魚龍驚

白奪山人詩目錄

卷三

五言古

古道

雲漢

懷古

八首

送錢礎日游山東

田家四時詠

贈張冲玄



自注山言集卷三
贈張先誠

秋夜贈蔡際飛

看花南閣同葉潤山分賦

游夏邑李氏園

南遷

過圮橋

海上書友人扇

劉伶墓在華嚴庵後院詩以讖之

書扇祝張端甫

游揚州梅花嶺

寄信潘殿虎

西湖遇張五高年丈

別西湖

歸安道中咏桑

嘆桑

從支硎過中峯觀趙几夫臨帖草堂

別朱雲子於佛惠庵

知季弟入庠

金山忽遇張廷繡

馬陵山步月

次下邳湖中賦湖棹難

題畫

飛來峯

鴻雁行別莊尚之

遇宋建之自廣州來言大庾古松

流寇

古帖

題崑山之玉峯

樊湖曲

立春贈國鑿夏仲文一首時在丘受宜酒肆與張抱珍
王茂之王子厚鄭天序江徵呂同飲

贈柏園守拙道人

白奪山人詩

五言古



古沛閣爾梅古古氏著

古道

古道亦已淪高山誰可仰
隱谷奏猗蘭鼓琴絃不響
嗟哉窮途人獨步安所往
東游之罍峰西游承露掌
秦漢多仙跡珠宮變榛莽
何水不東流何花不春長
試寫岫嶠文風雨集英爽

雲漢

白奪山人詩集

卷三 五言古

一

雲漢浮碧空，庶星紛以綴。下照巖谷間，幽棲生夜彩。絕世大文章，經天終古在。如彼光潔人，英華被四海。青松喜住山，鳴禽喜噪田。物情適其適，不猜得自然。放勳獨憂勞，巢許并高眠。百年歸于盡，誰知隱者賢。

懷古 八首

黃河來萬里，滄海去朝宗。經過泉溪處，諸水俱率從。清濁非一路，大小各雌雄。與時爲盛衰，怒喜看天風。行人不敢渡，舟子歌艨艟。沙渚聞笑言，烟雨垂釣翁。神禹知有命，蜿蜒視蛟

龍

二

垂髫受詩書先人有嘉誨風雨能幾時百年如迅邁少壯狎
光陰老至將何賴知勇無所得狂瞽咨瞽歎往非不自知盛
名日以敗既敗始追傷英華安可再

三

人生無不朽適意卽千秋平津脫粟飯貽笑五陵儔佳麗吹
明月琴瑟響青樓美酒種類多遍嘗交錯儔蒲萄斟玻黎醉

舞歌伊州春風逐衣香花光照筵篋曉來顧寶鏡云何已白頭

四

垓下楚歌散關中漢業成高帝憂楚將季布特聲名念彼相
窘時何有瞻顧情此是真男兒非徒以勇稱詔書嚴物色江
湖敢留客狀貌不平常苟生安可得周氏心知之賣之魯朱
家頰首就髡鉗沉埋廣柳車朱家心知之急爲滕公言走北
兼走南將母驅此賢滕公心知之言之漢天子天子心知之

田奴竟不死感嘆疇昔人憐才深至此

五

灼灼東園花忌彼春風窺春風花所眷一夜卽蕪蕪風感花
無情花落不自知美人處盛年幽意與春私私春春忽去走
向花前悲若溪多好女顏色讓西施西施故善懷吳宮愁鬢
絲急買朱桂舫泛泛五湖湄常使吳宮兒想見初來時

六

梁氏方跋扈威焰肆勾勾質桓絕續聞天子如蠛蠓太尉獨

與抗一怒覆其宗文姬時已嫁陰謀藏德公王成亦誼士持
孤走徐東他鄉易各姓忍辱酒家傭經營勞歲月措置徐雍
容苦人天所哀善人天所懷雨歇披晴光浮雲安在哉自謂
永離別豈意生歸來歸來不能喜痛極哭不止旁觀心斷絕
何況弟與姊拭淚還相誠往事慎勿齒往事連主上言之禍
無已如此深心人男兒誰辦此

七

漢家寵椒房寶田相效尤王氏爲極盛一日封五侯元后偏

遐齡新都乘其老謙恭盜太阿赤炎枯以槁居攝此周公儼
然移大寶舉朝皆聽命四海無漢臣惟獨龔彭城言從故主
人千載聞斯語猶堪泣鬼神楊雄芳草立劉歆博古事喪節
取公卿何如不識字

八

袞衣何必華布衣何必賤芳草善趨時春花秋不見三月子
規鳴九月來霜雁北風交大河寒冰結歲晏神龍豈易馴江
海須臾變柱史特知兵不與仲尼戰紫氣駐流沙金經煒雲

漢讓此聲名國服爲素王旬日月滿宮牆羣疑毋相綯

送錢礎日游山東

南方有翠鳥繡羽炫瑤林不偕衆禽飛翻爲鶚所侵日出遭
羅罽日暮返江岑塵翳珊瑚佩缶撞鐘呂音轅鬢遇孫陽尺
骨懸千金

時錢生爲栢鄉相國所禮

田家四時詠

先民重稼穡春王省南畝田夫職在田望歲勤歲首耕犢一
冬間漚漚驕欲吼于耜旣夙戒吉日觀維耦犁深耨復畝播

種擇前後時與地兼宜風雨懷節候老農不可欺熟察東菑
人心計通暑寒每試十得九及茲解凍初躬親率左右覘土
知螟蝻選苗刈稂莠恒言貧賤人勿逐福人走倘徯芟柞期
行將困八口蚤作待秋成多寡庶無苟

二

百穀有倫次維夏屬麥秋中原稀稻禾維麥屬嘉疇四月吐
香茫葳蕤若錦旒綠葉承金穎搖曳罨平丘風吹穀紋滿穗
齊烟修修踈密影芊綿勢廣高下周扶犁察生氣色同冒漚

溝五月粒始堅村村結圓學鎌鐮初發矧腕舒鋒不留畏炎
紛戴笠襖袂汗湧流饑者携筐筐擇陰垂楊陬遙呼辛勤士
渴矣聊暫休天旣愛農夫兼爲寡婦謀寡婦拾遺乘行列逐
偃僂莫惜偃僂苦坐胎歲暮憂桑老蠶務畢椹閒綴樹稠兔
葵嫩可烹園花放朱榴日出勞我人星出勞我牛輿歸取其
實紀數以薪籌享茲分內物濁醪堪自酬

三

清旭步南陌文陽越東渚種田略晚鋤佳草遂參伍大火西

始流微金不勝暑暑酷早乘之數日乾尺許海上起昏雲濕
蟻沾柱礎霖霖兼雷霆風急寒烟舞萬樹齊悲號溜簷鳴戰
鼓千山一茫茫原隰無結土既滋我高粱亦芳我稷黍豆葉
銜露明凌晨猶弄潯新泉渙渙來衝泥帶瓜圃牧兒具綠簑
老翁持杖拄歌罟井園旁歡如病初愈稍晴輒深耕良苗可
株數勿使狼莠盛盛衰失實主施功倘懶遲是我獨未雨苗
疏莢且華隴上如青組百穀次第登雞豚醑田祖王稅輸已
完婚喪咸得所每村有醉人田居更誰侮

四

秋露將歸老朔雲流遠山一望禾稻盡蒼樹澹踈烟呼兒好
飯牛預耕明歲田呼婦釀新酒酒熟桑落前十月寒煥勻酒
味芳且堅北隣老農友冬來如我閒對酌詵陰晴莫非稼穡
言不解說時事農夫無事權魚塘猶未凍投網可烹鮮緩步
邀親朋矇社竹籬間籬間菊數種略霜不甚殘蒹葭凋旣盡
池外百餘竿仰視南飛鴻渡江避塞寒鳥知避寒去人乃坐
闌刪奈何讓微羽智計居人先束茅乘屋上一一補其穿風

巖不入壁雪深不入綿煨火閉柴門妻拏共醺然時復出門
眺素光被川原鳴禽集枯枝饑兔窺敗園獵者牽犬過三五
隔林端彼未束茅者安得高枕眠不思勤惰故猥云各有天
知足天所敬服勞天所憐朱顏能幾時白髮已升巔現在宜
受享奈何惜金錢幾曾見金錢隨人用下泉吾自養吾生行
樂及豐年

贈張冲玄

崎嶇不是山湖泮不是水如何此屋中山水千萬里乃知宗

少文卧游得爾爾先生七十年光顏如穉子約我至其堂所
蓄皆經史譚言多微中相長無窮止瑤花近元宵春湖發青
藍

贈張先誠

山川不媚人光華使人媚隱然草木霜入春生文字百里影
平蕪東風吹所至既至荒無田樓臺鹿角似其中有故人鞭
馱談意氣所以至君家倏忽成再歲醉飽不足言相期有戚
事云何雁聲高飛飛無一寄今日下前榻前日都非是我欲

爲君籌當思有所濟必使萬里游不貽居停愧

秋夜贈蔡際飛

蘭膏圍素屏夜靜芸香窈圍坐悉窮交娓娓談舊好憶在淮
東時颶風淪三島藩兵濁海歟摧殘如霜草剩予掉孤舟四
望烟波漲破浪走清河豺虎蟠津要平時汎交游臨急星散
了何期逢故人痛哭傷懷抱雙鶴舞空堦聞音喚秋曉故人
膽智兼狎敵輕鷗鳥興廢任龍蛇浮杯且狂嘯不避禍與嫌
青天銀漢皎爲我束歸裝一鞭馬陵道倏忽三十年追思魂

夢繞相感安可忘嗟乎竟衰老

看花南閣同葉澗山分賦

諱廷秀濮州人時以廷杖謫居

村落盡平蕪蕪盡稀耕土舊時樓閣旁煨燼不堪數寒食後
三日發興尋花圃花開已春殘楊柳雜蘅荏所遇皆故人酒
令相參伍日夕未歸來黃鸝音楚楚

二

小塢羣花繞中間構樓閣登高開牕牖春衣東風薄土堅可
爲城棘墻可爲郭時有讀書聲依稀雲外落世亂兵火稠文

章行消索不知經世務科名如委蕻既爲任事臣安敢卸牛
絡浩嘆勿復言卮酒任噴噉

游夏邑李氏園

草積無耕土燐烟燼樓閣廢垣戶不關遺村宿瓦鏤西風河
水飛斷岸泥兼薄馬蹄踈樹中珊珊韻霜蕻萑苻擾梁徐城
空絕鼠雀守牧罔恤矜吏胥勤剝啄漸漸歲年深源竭流易
涸此中有故人寤言悲契濶日氣夕增寒荒籬墜菊萼步入
假山殘松桂香寂寞晚雲棲石櫺枯池榛棘錯小飲藤蘿間

放歌酬醜齷

南遷

去去安適歸携家於野行小兒不耐抱奮臂呼前征十步仆
道旁呱呱頷我鳴山徑逼且曲丸石匿榛荆病婦乘疲蹇暑
炎塵火蒸村落乏飯肆林陰遠不迎僕夫饑以倦招招起輒
停俱言寧居久艱難自未經漸出高峰外黃河水影明蕭條
盡日奔無一雞犬聲

過北橋

邳州城外

授書人已去尙有圮橋橫登橋憑弔久慨然太息增當其書
未授破產苦經營東謁滄海君術踈任俠輕祖龍威方震岌
岌漏姓名一死不足惜何以立韓成丈夫忠所事譬諸女子
貞霜天百卉枯松栢勿凋零相韓旣五世百計爲韓爭下邳
藏匿久智勇俱無憑鬼神鑒幽懷啟佑遇穀城赤帝解陰符
知已感怍怍報韓復報漢巍然祀漢廷

海上書友人扇

周道多荆莽我馬蹶以痛棄馬升漁舫汎汎東海隅深雲隔

山峯蒼然一島孤中有古羽僊絕衆登巔跌雷雨夜流光
几走龍魚石丸煮可煨芝草綴玄鬚我欲往從之踏空亂濤
虛躊躇無退步言歸故山廬築室蓮渚間借讀古人書讀書
何所益聊以消居諸坐觀世變生夢覺靜蘧蘧

劉伶墓在華嚴庵後院詩以懺之

遠公結廬社愛招嗜酒人旣招不設酒空池白蓮新攢眉獨
歸去發醅漉葛巾彼自有醉醒非關酒爲因從來大解懣應
屬禪後身我尋開士院午課鐘鼓陳胡爲寢園內築塔供餽

偷豈其捐風好飲中悔貪墮昔作竹林友今與戒者隣千載
無上下曠然一念真荷插將安往邈如隔世塵朝夕聽華嚴
長卧出迷津

書扇祝張端甫

諱我襄山陽人

君長予一歲今年四十一懷酒陟中堂再獻祝康吉好友無
媚詞所言殊真率父書讀未售楮蟲嚙殘帙家貧值饑僅拙
哉治生術海外三神山紫嵐天半靄願言往從之風濤復相
失子晉留鉢池傳疑不可必何如把綠樽親朋督促膝齒已

踰強仕顛毛霜滿櫛及茲二月初花開柳亦茁東皇吹氣暖
明牕試新筆雞豬與魚蒜春盤薦香飴塵事推戶外澹然消
永日卽此是金丹長笑無甲乙

游揚州梅花嶺

舟馬相兼行雪消路微濕老嫗慎鎖鑰選擇遊人入遊人春
夏來花開隨意拾寒色衆所棄笙歌不復及落葉積逕荒雀
糞滿亭集梅墅如隱士靜深有階級池魚非其時潛歸水下
蟄嗟彼鴉亂鳴自謂巢已葺安寢在高林乃爲小兒執村郭

經霜後晚晴風習習萬樹夕陽中參差烟外立

寄信辨殿虎

諱桓華亭人

三年別都門道路阻且長雲間有夢去秋夜鱸魚香胡爲逝
昔人空山墜繁霜安仁今已矣誰共語文章豈獨文章事道
義不可忘願言驅白馬未行泣徬徨知君有令子能使君不
亡北海逢虎賁如獲蔡中郎惜我無寶劔持以掛墓旁悲風
嘯林木千里水蒼茫

西湖遇張五高年丈

諱福臻江陰人

孤趣偏有敵君來爭耳目寄托殊高簡聊與山水屬狂踪發
衆疑時歌復時哭我故與君同君廼與我獨痛飲蘇公堤古
人可仲叔

別西湖

一月西湖上與湖半離卽聞見不異人領略有得失景爲時
所移山水共厥秩烟雲相吐含精華從此出欣賞兼忝取亦
兼虛與實靜觀得物情悠然變文質嘆我歸棹發夜風寒瑟

瑟

歸安道中咏桑

岸僻多截港隱村謝人徑所以草木榮叢然全其性虬根欹
虛崖半墜迺繁盛感茲潤土培風雨協時令杼軸聲未交綺
羅香已靜少婦與少女往來互相偵音去恐懼桑有災蠶亦與
之病一日未成絲一日憂靡定絲成貢天子室家獲餘慶

嘆桑

我來桑正採我歸蠶已老蠶老不念桑其下生周道餘葉聽
鳥食畦陰蓄衆草只此愛惜心初終弗克保嗟爾用桑人棄

擲何太早

從支硎過中峰觀趙凡夫臨帖草堂

六月初七日有記
時同單臣素

當世無解人微言誰與析握麈遁公堂花間鸚鵡寂初雨峰
肌妍隔林起僧笛高下樹如屏紋理層相續圓沙逐新泉墜
崖聲互擊靜視倣爲畫墨活烟可摘西山鐘鼓遙月明上松
壁

別朱雲子於佛惠庵

諱隗長洲人

山空雨初歇濕光留山樹踈風自來庭亂響滴松露勿念隔

溪人乘屐往尋之深閣洗蘭花琴聲未絕時飲我以新酒發
言憤且悲文章天下妬入宮苦蛾眉美璞君自秘終當無愆
期芳華照千秋天下妬者誰

知季弟入庠

吾兄弟三人朝夕侍庭下老父授以詩命歌常棣雅仲弟謝
人事遯居田之野季弟抱慧殊萬言方倚馬年來病相尋筆
墨隔世事家貧拙治生師友半廢墜上書不見報遂憂賤文
字感憤篝燈前中宵嘆以喟去秋余南來別爾淮陰道觀其

容悄然溫言相慰勞南來今隔年童子持書到江湖風雨遙
正苦無消息骨肉寄好音狂喜動顏色不足爲爾嘉嘉爾將
千里譬之三神山飛渡從茲始龜勉勿怠荒克終集大美鳴
鳩戒征邁實維我與爾旣無忝所生兼以獻 天子

金山忽遇張廷繡

諱豸沛人

爲客江南久不知家人事前夕家書來封有平安字備問家
中人親疎有層次朋友唯君獨君且走燕冀余歸渡山前駭
聞君先至初以僧言失疑信如夢寤疾走入僧樓旣見曰是

是君亦驚余來大呼謂何自坐觀君顏色已知不得意余不
爲嘆息但喜此相值好友逢天涯江峰皆變異功名各努力
難謀亦難避且停北去舟與君山頭醉

馬陵山步月

寒霧封野白風堅暗霜射黃河枯不奔停泥清沚瀉天遠與
岸平魚火或高下日裏諸山痕忽隨晚烟嫁舟隣盡商賈相
熟談物價携貲湖海間敬慎守長夜念我吳越歸載易冬且
夏異國有奇書所求非圃稼讀之月明前唱嘆使人訝素練

滿蓬牕江魚薦犀茸

次下邳湖中賦湖棹難

水落灘影雜泥草無暖日烟霧隔漁村萬里北風疾孤舟不
見隣葦葭聲溼溼疑有深機人傲然霜夜出君子敬遠道患
難以貞吉山川多伏險窮變安可必敵國飲食中願無忘紀
律

題畫

遠山積午雪雲深不見樹稀微流水痕野村藏曲路雨忽自

西來宿影隨風去天濶海聲寂耳目無停處昨夜月明色今
夕挽不住

飛來峰 杭州

古貌非頑石玲瓏屬自然草木不雜生華實經雨鮮月下琴
聲出有人學神僊風起山花落紛紛滿澗泉

鴻雁行別莊尚之 時尚之留德州也

鴻雁南北翔實維孤雁哀其飛旣淒淒而止亦徘徊羽毛愛
高潔恥與衆鳥偕春暮感爾歸塞下多風霾故巢葺未完八

月秋復來矯矯映雲中結侶寧敢乖道逢白露友素質照九
垓唱和無異同敬慎德不同時維夏初晨滿洲菱荷開其殮
雨後萍菁菁如新措物各有所志相別河之涯相別勿相顧
振翩凌崔嵬東至扶桑島西訪崑崙臺靜觀得氣候招爾鳴
啾啾

遇宋建之自廣州來言大庾古松

庾嶺隔萬里昔稱梅花叢客自東粵來爲我談幽蹤種梅曾
有人人歸花遂空獨存古石壁盤鬱千歲松厥高十丈餘生

動若翔龍倒覆幹垂地翠如新雨濛鱗甲旣堅巉四時嗚秋
風行旅歌蔽芾山川借威容秦皇遊不到矯然不受封嗟哉
君子卉安得一扶筇

流寇

流寇發大難兆自晉與秦漸次走襄蜀爰及潁水濱虔劉橫
已極所至血爲津嗟嗟爾何忍寧獨非良民揆厥所由來大
半皆苦貧兼之催科猛飲恨莫能伸處處悲苛政呼應遂如
神朝廷初輕視守土影響陳迨其亂孔棘方始達帝宸彼亦

懼罪重誰其爲死人勢又難中止恣睢不復悛安得草澤間
忽出請纓臣天子委任專洗茲萬里塵更察循良吏往施撫
字仁幸哉此黍苗虞歌陰雨新

古帖

古人書論法功罪各自知當得古人意變化隨所宜寫生在
寫神何苦工眉髭眉髭無生氣肉存亦死屍黃河鼓天風瀾
迴如繭絲剪衣不成章美錦夜含悲金和而玉節安得合與
離曲終雅韻長將歇未歇時

題崑山之玉峰

游屐空海內萬里考名山雲谿每枯硬峰岫多巉寒維茲一
拳石遙見菁葱擡松檜綠勻勻五色繡其巔鬼斧難雕琢嵌
空納紫嵐曲罅啣藤根怪獸蹲立尖東望滄洲島浮來咫尺
間紅樓映畫橋絲竹繞青帘不難在鹿城難在不癡頑

樊湖曲

山翁住湖曲漁翁住山曲湖水多於山湖光繞山麓波息風
不停蒼蒼烟雨宿殘荷綴枯萍纏綿如裊褥本是神仙宅翻

爲督綱窟半夜星辰飛眠鷗驚鷓鷯遠燈高下聯猛虎瞪雙

目

二

芡實非蓮實物各寶其房浴水呈鮮碧風吹處處香佳人櫂
蘭舟采葉剪衣裳蓮葉躍明珠芡葉胸鍼芒野老編竹籬花
隙種麻桑麻桑苦價廉寧堪供稅糧因悲處士難轉爲昔賢
傷桃源豈無路恨不獲漁郎

立春贈國鑿夏仲文一首時在丘受宣酒肆與張抱珍

王茂之王子厚鄭天序江徵呂同飲

野田水未鎔零露垂簷際寒宵秉瓦燈烟光不成寐史經隨
手翻眼鏡穿蠅字倦起步階前滿天星奕奕四顧影茫然兒
童皆熟睡曉來聞村叟立春明日是策蹇過城南看伊春何
似板破飛雲橋踏之心悸悸東街訪故人煎茗藥欄次故人
豫章客遭亂家緣棄雜學博無窮隨方作遊戲百卉染瑤瑤
善製
花
草
岐黃臻三昧琴書破浪來借我茅牕寄長嘯更悲歌聽
者悉含淚時衰心未衰妻孥甘埋瘞閒扃筆墨華金碧烟嵐

異目空少推許相憐獨吾輩倏爾江海聲臘月南風吹汝家
世澤深難道君身墜搔首且呼杯非醒亦非醉流寓廿七年
今將八十歲吳客有青帘招尋談往事往事那可談爲君聊
作記

贈柏園守拙道人

園在太原府城北

海內無多路行游千萬折浪傳五嶽名數拳小凹凸星辰何
勞勞昏旦循舊轍川原自消長其如人壽歇既不能長視安
知生與滅帝王及聖賢虛空現塵蟻盛衰會有時輒自稱雄

傑泥土煩弓刀經史污筆舌霜落野卉殫草火飛燐血智者
心笑之夷然去不屑我跋太行巔漳汾風凜冽柏園老羽士
布袍鶉百結趺坐一蒲團靜寂忘歲月問所得何物答云號
守拙登樓望岷園寒烟幕紅葉碁枰案上閒主賓爭打劫神
仙莫妄求卽此傳丹訣嗤哉名利兒腐鼠關腥穴